

## 10-D15-Sy قولو أن شاء الله

- 1 مرحبا. كيفكُن؟ أنا اسمي غسان مهنا. أنا بالأصل من اللاذقية. بس  
2 إجيت عالشام مِشان ادرس بجامعة دِمَشق. وتخرجتُ من كلية التجارة،  
3 قسم إدارة الأعمال. وبعد ما تخرجتُ اشتغلت بعدة وظائف. بس ما  
4 كنت مبسوط بالشغل لأنو الشغل كان كثير مُمل. كل يوم نفس الشي.  
5 بجي عالمكتب الساعة تمانني ونص الصُبح. بالحقيقة، أيام كثير كنت  
6 تأخر للساعة تسعة. بقعد بالمطعم لتنتين بعد الظهر. بشتغل شوي،  
7 بقرى جرايد، بحكي مع رفقاتي الموظفين بالمكتب. وبعدين برجع  
8 عالبيت. وكمان المعاش كان كثير قليل. بدي اتجوّز وأعمل عايلة.  
9 بس ما معي مصاري كثير، وما ممكن أعيش من الوظيفة بس.  
10 فمِشان هيك، عملت بزنيص صغير عالإنترنت. أنا بعمل صفحات  
11 عالإنترنت لبعض المحلات والشركات الصغيرة. يعني كل شغلي  
12 عالكمبيوتر.  
13 كل يوم، بعد الشغل برجع عالبيت، بتغدى، بنام شوي، وبعدين بروح  
14 بقعد بقهوة فيها إنترنت. وبسهر لحد الساعة وحدة، وحدة ونص  
15 بالليل. وبشرب أرجيلة. على فكرة، أنا بحب الأرجيلة كثير.  
16 الحمد لله. الشغل ماشي كثير منيح. وإنشالله بالمستقبل بيكبر أكثر  
17 وأكثر وأكثر. يعني هلا صار معي شوية مصاري، وصار ممكن اشوف  
18 بنت حلال اجوزها. قولو إنشالله.

طبيب. أنا تأخرت. وصار لازم اروح بسرعة. لأنو عندي موعد.

19

باي.

20